

醫學心悟（四）

古今圖書集成
醫部全錄
卷第四百一

天機子問子孫國故之學
天機子問子孫國故之學

腎
心
悟
四
五

九
天
止

醫學心悟第四卷

天都普明子程國彭鍾齡著

遺精

夢而遺者。謂之遺精。不夢而遺者。謂之精滑。大抵有夢者。由於相火之強。不夢者。由於心腎之虛。然今人體薄火旺者。十中之一。虛弱者。十中之九。予因以二丸分主之。一曰清心丸。瀉火止遺之法也。一曰十補丸。大補氣血。俾氣旺則能攝精也。其有因誦讀勞心而得者。更宜補益。不可輕用涼藥。復有因于濕熱者。

濕熱傷腎。則水不清。法當導濕為先。濕去水清而精自固矣。秘精丸主之。

清心丸 清心火瀉相火安神定志止夢泄

生地 四兩酒洗 丹參 二兩 黃柏 五錢 牡蠣

山藥 棗仁 炒 茯苓 茯神

麥冬 各一兩五錢 北五味 車前子 遠志 各一兩

用金櫻膏為丸每服三錢開水下

十補丸

大熟地

四兩

當歸

二兩

白芍

二兩

黃芪

四兩

人參

二兩

白朮

四兩

茯苓

二兩

山藥

三兩

棗仁

二兩

遠志

一兩

山萸肉

三兩

杜仲

三兩

續斷

二兩

北五味

一兩

龍骨

一兩

牡蠣

一兩

用石斛四兩熬膏和煉蜜爲丸每早開水吞四錢丸使煎劑

彷彿丸方

秘精丸

見虛症

赤白濁

濁之因有二種。一由腎虛敗精流注。一由濕熱滲入膀胱。腎氣虛補腎之中必兼利水。蓋腎經有二竅。溺竅開則精竅閉也。濕熱者導濕之中必兼理脾。蓋土旺則能勝濕。且土堅凝則水自澄清也。補腎兔絲子丸主之。導濕草薢分清飲主之。或問濁有赤者何也。答曰。此濁液流多不及變化也。又或心火盛亦見赤色。宜加入蓮子心、燈心、丹參等藥則愈矣。

兔絲子丸

兔絲子

四兩

茯苓

山藥

沙苑蒺藜

蒸

車前子

遠志肉

去心甘草水
泡炒各二兩

牡蠣

煨醋碎
一兩

用石斛四兩、熬膏、量加煉蜜為丸、每服三四錢、開水下。

葶藶分清飲

川葶藶

二錢

黃柏

炒褐
色

石菖蒲

各五
分

茯苓

白朮

各一
錢

蓮子心

七分

丹參

車前子

各一錢
五分

水煎服

黃疸

黃疸者。目珠黃。漸及皮膚。皆見黃色也。此濕熱壅遏所致。如食

麴相似。濕蒸熱鬱而黃色成矣。然濕熱之黃。黃如橘子。蘗皮。因火氣而光彩。此名陽黃。又有寒濕之黃。黃如薰黃。色暗而不明。或手足厥冷。脈沉細。此名陰黃。陽黃者。枝子蘗皮湯。若便閉不通。宜用茵陳大黃湯。陰黃者。茵陳五苓散。如不應。用茵陳薑朮湯。其間有傷食者。名曰穀疸。傷酒者。名曰酒疸。出汗染衣。名曰黃汗。皆陽黃之類也。穀疸。胸膈滿悶。噯腐吞酸。以加味枳朮湯。加茵陳治之。應手輒效。酒疸。更加葛根黃汗。用枝子蘗皮湯。加白朮。其間有女勞疸。乃陰黃之類。宜用薑朮湯。加參朮補之。復

有久病之人。及老年人。脾胃虧損。面目發黃。其色黑暗不明。此臟腑之真氣泄露于外。多為難治。宜用六君子湯主之。

枝子蘖皮湯

茵陳大黃湯

茵陳五苓散

茵陳薑附湯

俱用傷寒發黃

加味枳朮湯

白朮二錢

枳實

陳皮

麥芽

山查

茯苓

神麴

連翹

各錢

茵陳

荷葉

各一錢五分

澤瀉

五分

水煎服。如兼傷酒加葛根一錢。若便閉去白朮加荀子黃芩。

六君子湯 見類中

不能食

有風寒食不消者。病氣退而食自進。有積滯食不消者。祛其積而食自消。古方神朮散。保和湯。枳朮丸。皆消積進食之法也。然有脾氣虛弱不能消化者。有命門火衰不能生脾土而食不消者。東垣云。胃中元氣盛則能食而不傷。過時而不飢。脾胃俱旺。

則能食而肥。脾胃俱衰。則不能食而瘦。坤土虛弱。不能消食。豈可更行剋伐。宜用六君子補中益氣湯補之。許學士云。不能食者。未可專責之脾。腎經元陽不足。不能薰蒸腐化。譬如釜中水穀。底下無火。其何能熟。火爲土母。虛則補其母。度元氣蒸騰。飲食增益。八味丸主之。世俗每見不能食症。輒用枳朴黃連。實者當之。猶可。虛人得之。禍不旋踵矣。大凡不能食而吞酸噯腐。胸膈滿悶。未必盡屬積食也。多有脾虛腎弱而致此者。治者詳之。

神术散

見類中

保和湯

見心痛

枳朮丸

見鼓脹

六君子湯

補中益氣湯

八味丸

俱見類中

不得臥

有胃不和臥不安者。胃中脹悶疼痛。此食積也。保和湯主之。有
心血空虛。臥不安者。皆由思慮太過。神不藏也。歸脾湯主之。有
風寒邪熱傳心。或暑熱乘心。以致躁擾不安者。清之而神自定。
有寒氣在內而神不安者。溫之而神自藏。有驚恐不安臥者。其
人夢中驚跳怵惕是也。安神定志丸主之。有濕痰壅遏。神不安

者其証嘔噦氣悶胸膈不利用二陳湯導去其痰其臥立至更有被褥冷煖太過天時寒熱不勻皆令不得安臥非闔于病醫家慎勿誤治也。

保和湯 歸脾湯 俱見心痛

安神定志丸

茯苓

茯神

人參

遠志

各一兩

石菖蒲

龍齒

各五錢

煉蜜爲丸如桐子大辰砂爲衣每服二錢開水下

二陳湯 見中風

自汗盜汗

自汗症。有風傷衛。自汗出者。有熱邪傳裏。自汗出者。有中暑。自汗出者。有中寒。冷汗自出者。治法俱見本門。然風火暑熱症。自汗太多。猶恐亡陽。尚當照顧元氣。矧在虛寒者乎。是以人參芪朮爲斂汗之聖藥。挾寒者。則以附子佐之。輕劑不應。則當重劑。以投之。設仍不應。則以龍骨牡蠣北五味等收濇之品。輔助而行。或以人參養榮湯相兼而用。蓋補可去弱。濇可固脫。自然之

理也。其盜汗症傷寒邪客少陽則有之外。此悉屬陰虛。古方當歸六黃湯藥味過涼。不宜于陰虛之人。陰已虛而更傷其陽。能無損乎。宜用八珍湯加黃芪麥冬五味。主之。方有參芪以氣旺。則能生陰也。

人參養榮湯 見虛勞

當歸六黃湯

當歸

黃芪

黃芩

黃柏

黃連

甘草

各等分水煎服

八珍湯

見虛勞

癲狂癰

經云重陰爲癲。重陽爲狂。而癰症則痰涎聚于經絡也。癲者癡呆之狀。或笑或泣。如醉如夢。言語無序。穢潔不知。此志願太高而不遂所欲者。多得之。安神定志丸主之。狂者發作剛暴。罵詈不避親疎。甚則登高而歌。棄衣而走。踰垣上屋。此痰火結聚所致。或傷寒陽明邪熱所發。痰火生鉄落飲。滾痰丸並治之。傷寒

邪熱大承氣湯下之。癰者忽然發作。眩仆倒地。不省高下。甚則
痰涎抽掣。目斜口喎。痰涎直流。叫喊作畜聲。醫家聽其五聲。分
爲五臟。如犬吠者肺也。羊嘶者肝也。馬鳴者心也。牛吼者脾也。
猪叫者腎也。雖有五臟之殊。而爲痰涎則一定。癰丸主之。旣愈
之後。則用河車丸以斷其根。以上三症皆頻治取驗者也。若妄
意求奇。失之遠矣。

安神定志丸

見不得臥

生鉄落飲